

(VI—IV դդ. մ. թ. ա.)⁸, Դմանխիի դամբարաններից (VII—VI դդ. մ. թ. ա.)⁹:

Արծաթե մատանիները յոթն են, պատրաստված կտրվածքում 1 մմ հաստությամբ ունեցող կլոր լարից: Երեքը զսպանակաձև են, երկու կամ երեք անգամ իրար վրա պտտվող (ադ. II, նկ. 4), երկուսը տարբեր ձևերով փաթաթված լարեր են, ոչ զսպանակաձև, իրարից հեռացող ծայրերով (ադ. II, նկ. 5, 6):

Մյուս երկու մատանիները օղակաձև են: Մեկի ծայրերը բարակեցված են և իրարից հեռացված, իսկ վրայի փոքրիկ ակոսիկները օձագլխի տեսք են տալիս նրանց (ադ. II, նկ. 7, 8):

Շատ նույր են արծաթե կոճականման դարձերը, որոնք խիստ գլուխաբեկ են և այդ պատճառով ոչ բոլորն են պահպանվել: Մնացած տասներեքը պատրաստված են միլիմետրի մոտ 1/5-ական հաստության արծաթե նրբաթիթեղից, 1—1,6 սմ տրամագիծ ունեն, եզրերին և մի քանիսի նաև կենտրոնական մասում ետևի կողմից կետիկներ են դրվագված, երկու կողմերում ունեն 2-ական կամ 3-ական անցքեր, հավանաբար կարվելու համար (ադ. II, նկ. 9—12):

Արծաթե ուլունքները տարբեր են. կան կոճանման, խողովակաձև, տակառաձև, բաժանաբար ուլունքներ (որի նմանը գտնվեց նաև ոսկուց): գտնվել է ինչ-որ իրի արծաթե երեսապատը (ադ. II, նկ. 13—20): Բրոնզե խոշոր կոճակները, որոնք ունեն արծաթե, լավ պահպանված, փայլուն երեսապատ, ութն են: Սրանք կտրվել են արծաթե թիթեղից, հազցվել բրոնզե կոճակին և հակառակ կողմից ծալվելով՝ ամրացվել (ադ. II, նկ. 21, 22):

Արմանիսի երկրաբանական արշավախմբի պետ Ս. Գոգինյանի տեղեկությունների համաձայն ոսկյա իրերը, ամենայն հավանականությամբ, կարող էին պատրաստված լինել Արմանիսի հանքավայրի ոսկուց, որտեղ հանքային մարմինների վրա երեսցող փոսերը վկայում են հեռավոր նրանց շահագործված լինելու մասին, իսկ հանքավայրը կազմող բլուրը հեռավորվել է Ոսկեսարի Այստեղ երկրաբանական աշխատանքների ժամանակ հայտնաբերված սափորներից, թասերն ու բրեղանները հար և նման են Լոռի Բերդի դամբարանի նյութերին նույնիսկ խեցու որակով, որը կարող է խոսել բնակավայրի և հանքավայրի համաժամանակյա գոյության և կապերի մասին: Գոգինյանի հավաստիացմամբ, արծաթի նույնպես հանդես է գալիս հեռավոր շահագործված բազմաթիվ երակային, հանքային մարմինների առկայությամբ, որոնց մեջ արծաթի պարունակությունը կազմում է 1000 և ավելի գ/տոննա: Նման երակներ տարածված են ինչպես Արմանիսի ոսկու հանքավայրի շրջանում, այնպես էլ Պրիվոլնոյե հանքադաշտի շրջանում:

Այսպիսով, Լոռի Բերդի № 2 դամբարանը հնագիտական մի հուշարձան է, որտեղ կատարվել են երկու հարուստ թաղումներ՝ XIV—XIII դդ. մ. թ. ա. և VII—VI դդ. մ. թ. ա.: Այստեղ ներկայացված նյութերը, բացի վերևում հիշատակված երկու ոսկե ուլունքներից, պատկանում են վերջին թաղմանը, որոնք ուղեկցվում են երկաթի լայն տարածման ժամանակաշրջանին պատկանող այլ բազմաթիվ նյութերով:

Ս. ԳԵՂԵՋՅԱՆ

ՀՆԱԴԻՏԱԿԱՆ ՌԻՍՈՒՄՆԱՍԻՐՈՒԹՅՈՒՆՆԵՐ ԹՈՒՄԱՆՅԱՆԻ ՇՐՋԱՆՈՒՄ

Չարպացած բրոնզի և վաղ երկաթի դարաշրջանը (մ. թ. ա. II հազարամյակի վերջ, I հազարաչին շորս դարերը) եզրափակում է նախնադարյան հասարակարգի կարևորագույն փուլը: Այս ժամանակաշրջանում նկատվում է լեռնային ցեղերի մշակույթի զարգացում, որը կապված էր նոր հանքավայրերի հայտնաբերման և լեռնային արոտավայրերի օգտագործման հետ: Տեղի է ունենում տոհմատիրական հարաբերությունների քայքայում, ցեղերի միավորում խոշոր միությունների մեջ և հիմքեր են ստեղծվում ստրկատիրական պետությունների կազմակերպման համար:

Այս տեսակետից մեծ արժեք ունի այն հարուստ հնագիտական նյութը, որը հայտնաբերվել է Անդրկովկասի մետաղագործական հրենագույն կենտրոններից մեկում՝ Թումանյանի (նախկին Ալավերդի) շրջանում: Դեռևս 1877 թ. Դեբեդ գետի բարձրագույն սարահարթին, Ոռնակ (այժմ Ակներ) գյուղի մոտ, Ա. Դ. Երիցյանը պեղեց 23 դամբարան, որոնք նա վերադրեց բրոնզի դարի երկու ժամանակաշրջաններին: Հայաստանի և Անդրկովկասի հնագիտության համար մեծ արժեք ունեն Մորգանի աշխատանք-

8 Д. Л. Коридзе, Погребальный инвентарь одного каменного ящика из Земо-Авчала, «Вестник» гос. музея Грузии, 1956, № 318, նկ. 2:

9 С. П. Макалатия, Раскопки Дванского могильника, СА, 1949, XI.

1 Б. Б. Пиотровский, Археология Закавказья, М., 1949, № 55:

2 նույն տեղում:

3 А. А. Нессен, Из истории древнейшей металлургии Кавказа, М., 1935.

ները, որը 1887—1888 թթ. Թումանյանի շրջանում պեղեց մեծ քանակությամբ դամբարաններ, որոնք հիմնականում վերաբերում են երկաթի խեղուատրիային⁴։ Լավարում պեղված հուշարձաններից, անշուշտ, հատուկ հետաքրքրություն է ներկայացնում Ալավերդու մոտ գտնվող Մուսիերիի դամբարանադաշտը, որտեղ Մորդանը 1882 թ. բնթացրում պեղեց 582 քարակղային դամբարան։ Պեղված նյութի բնորոշ իրերից են բրոնզե երկփետուրանի սկյութական նետասլաքները, որոնք թվագրվում են մ. թ. ա. VII դ. վերջով և VI դ. սկզբով։ Նման հուշարձաններ նա պեղել է նաև Սաղախլոյում, 1893 թ. Ն. Յա. Մառը նշված դամբարանադաշտում ծավալեց լայն պեղումներ։ Հայտնաբերված նյութը, որի մեծ մասը մինչև այժմ չի հրատարակված, վերաբերում էր վերոհիշյալ ժամանակաշրջանին⁵։

Կարևոր են Ե. Ս. Թադայշվիլու 1894 թ. աշխատանքները Ոոնակում, որոնք ժամանակագրական հիմք տվեցին ինչպես երկաթի ըսկրգրնական, այնպես էլ ավելի ուշ շրջանների հուշարձաններին⁶։ Այստեղ նա պեղեց 40 քարակղային դամբարան, որոնք հիմնականում քավական աղքատ էին։ Սակայն պետք է նշել № 5 և № 6 դամբարանները, որոնք թույլ են տալիս որոշելու հուշարձանի ժամանակագրությունը⁷։

Երկաթի սկզբնական ժամանակաշրջանին վերաբերող № 16 դամբարանը հնագիտական գրականության մեջ առաջին անգամ նկարագրել է Բ. Բ. Պիոտրովսկին։ Նշված դամբարանը պարունակում էր բրոնզե սուր, կաղին, սակրը, տեղերի երկաթե ծայրեր, դանակ, որոնք բնորոշ են տվյալ ժամանակաշրջանի համար։ № 5 դամբարանը պարունակում էր համեմատաբար ուշ շրջանին բնորոշ իրեր (մ. թ. ա. VII—VI դդ.)՝ բրոնզե օղակաձև կախիք, բրոնզե մանյակ, կետադարդ ունեյիններ, ֆիրույա, բրոնզե օձազուլիս ապարանջան, երկու վարդարուն օղակ, երկաթե կեռ դանակ, տեղի փոքր ծայր, երկու երկաթե դաշույն բրոնզե պատ-

յաններում, սրոցաքար և երկաթե օղակ։ Խեցեղենը բաղկացած է թաղարից, կճուճից, վիլականդնված ամբողջական անոթից, որը կալմըված էր երկր փոքրիկ հաղորդվող կանթերով անոթներից և մի շարք բեկորներից։ Այսպիսով, ինչպես երևում է վերոհիշյալից, նշված շրջանը բազմիցս հետազոտվել է հնագետների կողմից։ Վերջին տարիների ընթացքում (1957—1958) նոր հայտնագործություններ կատարվեցին Դերեղ գետի ավազանի տարբեր վայրերում՝ Գուգարքի շրջանի Սղեզնուտ և Նոյեմբերյանի շրջանի Զուլեան գյուղերում (Բ. Ս. Խաչատրյան, Գ. Հ. Կարախանյան)։ Այս դամբարանային նյութի բնորոշ առարկաներից խեցեղենը (փորագրված գծեր, փայլանախշով արված նեղ ու լայն գծեր և եռանկյունիներ ունեցող նեղ, կարճ վղով, մեկ փոքր ունկով կրճուճները) թույլ է տալիս հիշյալ կոմպլեքսը թվագրել մ. թ. ա. I հազարամյակի առաջին երկու դարերով։ 1964 և 1967 թթ. ամռան ամիսներին մեր կողմից նույնպես նոր իրեր պեղվեցին, այս անգամ Դսեղում և Օձունում։ Մեծ արժեք են ներկայացնում նաև 1969 թ. մայիսին Լորուտում, Շամուտում պատահականորեն հայտնաբերված նյութերը, որոնք էլ ավելի են հարստացնում մեր գիտելիքները Տաշիր-Չորագետի վաղ բրոնզի դարի և վաղ երկաթի դարի ժամանակաշրջանի մասին։ Բացի վերոհիշյալից, Հայաստանի պետական պատմական թանգարանի հարուստ նկուղներում պահվում են արժեքավոր նյութեր, որոնք ձեռք են բերվել տարբեր ժամանակահատվածների աշխատանքների ընթացքում պատահաբար բացված հուշարձաններից։ Տվյալ հոդվածում նյութի ուսումնասիրումը տրվում է ըստ վայրերի, ժամանակագրական հերթականությամբ։

Հայտնագործություններ Ալավերդիում։ Սրբանց թվին են պատկանում բաղմաթիվ անգամ հրատարակված զանազան բրոնզե առարկաներ։ Դա կտցավոր կացնի լավագույն նմուշն է, որը գտնվել է 1934 թ. շինարարական աշխատանքների ժամանակ (գույք 759/6)⁸, երկ.՝ 24 սմ, դաստակի լայն.՝ 3,0 սմ, երկար.՝ 16 սմ, հաստ.՝ 3 սմ)։ Երկրորդ նման կացինը, որը նախորդից տարբերվում է փոքր չափերով, պահվում է Լենինականի թանգարանում։ Անդրկովկասում նման կացիներ հայտնի են նաև Վրաստանից (Դմանիսի, Կախեթ)։ Հնարավոր է,

⁴ J. de Morgan, Mission Scientifique au Caucase, p. 1, Paris, 1889.

⁵ Н. Я. Марр, Отчеты археологической комиссии (ОАК) за 1894 г. Нյութի մի մասը պահվում է Հայաստանի պետ. պալատ. թանգ., գույք 696, 697, 698, 702, 703, 705, 706, 707, 708, իսկ մեծ մասը՝ Էրմիտաժի Արևելքի բաժնում։

⁶ Е. С. Такайшвили, ОАК за 1894.

⁷ Б. Б. Пиотровский, նշվ. աշխ., էջ 64 (նյութը պահվում է Էրմիտաժի Արևելքի բաժնում)։

⁸ Տե՛ս А. А. Мартиросян, Армения в эпоху бронзы и раннего железа, Ереван, 1964, էջ 32, նկ. 50; С. А. Есаян, Оружие и военное дело древней Армении. Ереван, 1966, էջ 34, տախտակ V, նկ. 6։

որ Վրաստանի պետական թանգարանում պահվող, դույրահամար շունեցող մեկ ուրիշ կրտսեղ կացինը նույնպես հայտնաբերվել է Հայաստանում: Վերոհիշյալ կացինը տարածված է ասորեստանյան նյութերում՝ Աշուր, Թեփե-Հավրի IV շերտը, Նարամսինի ստելայի վրա փորագրված մարտական կացինը (մ. թ. ա. XXIII դ.) և այլն, և դա թույլ է տալիս Անդերկովկասի կոցալոր կացինները թվագրել մ. թ. ա. III հազ. երկրորդ կեսով⁹:

Հաջորդ խումբը սակրերն են (գույք 759/3, 4), որոնք ունեն կիսալուսնի տեսքի զանգվածիկ շեղրեր, իսկ բլթակի կենտրոնում՝ ձվաձև անցք: Բլթակի վերին մասը ունի սեպ: Հայաստանի տերիտորիայում նման, այսպես կոչված, անդերկովկասյան տիպի սակրեր հայտնի են լճաշենի հարուստ դամբարաններից, Արթիկից, Ունակից և շատ ուրիշ հուշարձաններից¹⁰: Նշված առարկաներից հայտնաբերվել են նաև Անդերկովկասի այլ վայրերում՝ Սամթավրոյում¹¹, Մինգեչաուրում¹², Արշածորում¹³ և այլն ու հիմնականում թվագրվում են դարգացած բրոնզի ժամանակաշրջանով (մ. թ. ա. XIII—X դդ.): Հայաստանում լայն տարածված աշխատանքային գործիքների թվին են պատկանում նաև ձեռքի տափակ կացինները, որոնք վերին մասում ունեն երկկողմանի ելուստներ (գույք 759/5) և մինչ օրս էլ օգտագործվում են Հայաստանի ու Վրաստանի շրջաններում կաշեգործության մեջ: Տեղյալ կացինը ունի լայն շեղր և ծավալած ելուստներ: Բռնակը մաշված է¹⁴:

⁹ Гордон Чайлд, У истоков европейской цивилизации, М., 1956.

¹⁰ А. О. Мнацаканян, Раскопки курганов на побережье оз. Севан в 1956, «Советская археология» (СА), 1957, № 2, էջ 149, նկ. 6; Т. С. Хачатрян, Материальная культура древнего Артика, Ереван, 1963, էջ 56, նկ. 1: ОАК за 1894 г., էջ 14—15, նկ. 2; С. А. Есаян, նշվ. աշխ., էջ 37, աղ. VI, նկ. 2, 3:

¹¹ Т. Н. Чубинишвили, Древнейшие археологические памятники Мухета, Тбилиси, 1957, նկ. 16:

¹² Г. М. Асланов, Р. М. Вандов, Г. Н. Понне, Древний Мингечаур, Баку, 1959, աղ. XII, նկ. 3:

¹³ К. Х. Кушнарёва, Некоторые памятники эпохи поздней бронзы в Нагорном Карабахе, «Советская археология» (сборник), XXVII, 1957, էջ 156:

¹⁴ Т. Хачатрян, Орудия труда эпохи поздней бронзы и раннего железа Армении, պետ. պատմ. թանգ. «Աշխատություններ», հատ. V, 1959, էջ 235, նկ. 56, 8:

Հայաստանում հնագույն կացիններից մեկը հայտնաբերվել է Կիրովականի՝ մ. թ. ա. II հազ. կեսին սլատկանոց հարուստ դամբարանում: Ավելի ուշ ժամանակաշրջանի է լճաշենի դամբարանաբլուրի նույնանման կացինը, որը գտնվել է բրոնզե իրերի հարուստ կոմպլեքսում: Այս առարկաները հաճախակի են հանդիպում մ. թ. ա. II հազ. վերջին պատկանող դամբարաններում, կացին-սակրերի հետ միասին: Սրանք հայտնի են նաև Լենինականի, Ունակի, Կամոյի, Էջմիածնի և այլ դամբարաններից: Անդերկովկասում այսպիսի կացիններ պեղվել են նաև Արշածորում, Խոջալիում, Մինգեչաուրում և այլուր: Հաջորդ խումբը ներկայացված է դաշույնով (գույք 759/7), որն ունի շրջանակաձև բռնակ և նեղ եռանկյունաձև շեղր, որի վրա անցկացված են դեպի ներքև նեղացող երկու զուգահեռ գծեր: Այս դաշույնի նմանը պեղվել է մեր կողմից Դիլիջանում 1960 թ. (դամբ. 1)¹⁵: Նկարագրված իրերից գտնվել են նաև Ռեդկին-Լադերում, Մինգեչաուրում¹⁶ և թվագրվում են մ. թ. ա. VIII դ.: Ալավերդիի սուրը (գույք 759/8) ունի նեղ, երկար, կտրվածքում ձվաձև շեղր և տափակ բռնակ: Վերին մասը և ծայրը կտրված են: Սրի պահպանված մասը 40 սմ է, շեղրինը՝ 33 սմ: Նկարագրված սրին նման է Արթիկի դամբարանի սուրը, որը, սակայն, լավ է պահպանված և տարբերվում է նախորդից մի շարք այլ նրբություններով¹⁷: Այս արտադրանքը հայտնի է նաև Կարմիր-Վանքից¹⁸, Լճաշենից¹⁹, Էջմիածնից: Հայտնի են զուգահեռներ Պարսկական Թալիշից (մ. թ. ա. 1456—1365 թթ.), Ռաս-Շամրայից (Ուգարիտ, մ. թ. ա. 1450—1365 թթ.) և այլն²⁰: Այսպիսով, Ալավերդիի սուրը նույնպես կարող է տե-

¹⁵ Լ. Լ. Կարապետյան, Ա. Ն. Շահինյան, Հնագիտական հայտնագործություններ Դիլիջանում, ՀՍՍՀ ԳԱ «Տեղեկագիր» (հաս. գիտ.), 1961, № 12, էջ 73, նկ. 4:

¹⁶ Т. Пассек и Б. Латынин, Очерки доистории Сев. Азербайджана («Известия об-ва обследования и изучения Азербайджана»), Баку, 1926, № 3, նկ. 13—14: Г. М. Асланов, Р. М. Вандов, Г. Н. Понне, նշվ. աշխ., աղ. 13, նկ. 4:

¹⁷ Т. С. Хачатрян, նշվ. աշխ., էջ 52:

¹⁸ «Известия археологической комиссии (ИАК), 1907, вып. 29, էջ 11, նկ. 31:

¹⁹ С. А. Есаян, նշվ. աշխ., էջ 87, նկ. 4—2:

²⁰ Cl. Schaeffer Stratigraphie Comparee et chronologie de l'Asie Occidentale (III et II millénaires), Syrie, Palestine, Asie Mineure, Chypre, Pergamot, նկ. 44, 215, 217, 443:

դադրվել այդ ժամանակագրական շրջանակներում:

Ձանազան տարատեսակներով են ներկայացված բրոնզե ապարանջանները (12 հատ): Դրանք են՝ դանդավածեղ, կտրվածքում կլոր միաձույլ ապարանջանը, չորս շարքանի զրծիկներով, որոնցից երկուսը ունեն նշված զարդից սկսվող երկշարք թևք զծիկներ (գույք 759/14, տրամագիծը՝ 9,4 սմ), երկու հարթ ապարանջաններ՝ միացված ծայրերով (գույք 759/21, 22), ուժեղացված կտրվածքով, անջատված ծայրերով ապարանջանը (գույք 759/10, տրամ. 5,5 սմ): Նշված առարկաները հայտնի են Գեղարոտից²¹, Բջնից, Բասարգեշարից և այլն, ու մեծ մասամբ թվագրվում են մ. թ. ա. XIII—VI դդ.: Սեզմենտաձև ապարանջանները երկուսն են (գույք 759/17, 18, տրամ.՝ 5,5 սմ—6,0 սմ): Արտաքինից կլոր են, ներսում՝ տափակ: Սրանք հայտնի են Բջնի, Կամոյի, Մուխանի, Բասարգեշարի, Թումանյանի, Լենինականի²² դամբարաններից և թվագրվում են մ. թ. ա. IX—VI դդ.: Օձազուխ, կտրվածքում տափակ և ստորին մասում լայնացող ապարանջանը²³ (գույք 759/15), ի տարբերություն Աթարբեկյանի արծաթե ապարանջանի, ոճավորությամբ տարբերվում է Աստղածորի, Արմավիրի, Խզնաուղի, Արին-Բերդի, Կարմիր-բլուրի և շատ ուրիշ օրինակներից, որոնք ունեն ցայտուն արտահայտված զուխ: Սրանց հիմնական ժամանակագրական շրջանակներն են մ. թ. ա. IX—IV դդ.: 11 օրինակներով են ներկայացված հասարակ, հարթ, կրտրվածքում տափակ և կլոր ապարանջանները, անջատ ու մեկը մյուսի վրա անցկացրած ծայրերով (գույք 759/16, 23, 24, 27, 30 և այլն, տրամ.՝ 3,5—6,0 սմ): Չորս օրինակներն էլ ունեն մեկը մյուսի վրա Լինող ծայրեր, իսկ գլուխները զարդարված են կամ ուղիղ զծիկներով (գույք 759/25, 39) կամ մեկը մյուսի մեջ հագցրված անկյուններով (գույք 759/26, 40, տրամ.՝ 5—6,5 սմ): Սրանց և վերոհիշյալ արտադրանքի զուգահեռները կարելի է դնել Սեանում, Կամոյում, Բասարգեշարում, Դիլիջանում, Թեղկին-ձաղերում և այլուր, որոնց ժամանակագրական շրջանակները հենվում են ինչպես վաղ ուրարտական (Ջոլարար, Հայրավանք), այնպես էլ վաղ հայկական (Աթարբեկյան, Ջրառատ) հուշարձանների վրա՝ մ. թ. ա. IX—VIII դդ.:

²¹ ՏԵՄ Ս. Ա. Եսայան, Հայաստանի պատմական թանգարանի բրոնզե ապարանջանները, ՀՍՍՀ ԳԱ «Տեղեկագիր» (հաս. դիտ.), 1964, № 2, էջ 83—94, աղ. 3, նկ. 12:

²² Նույն տեղում, աղ. 3, նկ. 2, 7, 8:

²³ Նույն տեղում, աղ. 2, նկ. 1, 2, 3:


V—IV դդ.: Վերջապես հղակի օրինակով է ներկայացված չորս ոլորանի ապարանջանը (գույք 759/11): Պետք է նշել, որ ապարանջանների ժամանակագրական սահմանները դուրս են գալիս վերոհիշյալ շրջանակներից: Սրանք տարածված էին դեռևս էնեոլիթյան ժամանակաշրջանում և բացի զարդարանքից ծառայում էին նաև որպես փոխանակության միջոց: Զիսասարքի առարկաներից հետաքրքրություն են ներկայացնում այսպես կոչված առաջավորասիական տիպի սանձերը, որոնց բերանը մտնող մասը թիթեղյա է, քիչ ձվաձև, հասարակ, իսկ կողքի մասերը՝ սկավառակաձև (գույք 759/13): Այս սանձերը լայն տարածում են ստացել ս. յ. ա. IX—VIII դդ.: Սրանց զուգահեռները հայտնի են Հայաստանի բազմաթիվ հուշարձաններից (Սեանի ավազան, Մակարաշեն, Կարմիր-բլուր և այլն): Ավելի վաղ խումբ են կազմում Լճաշենի, Արթիկի և Քվեմո-Սասիրեթի (Վրաստան) սանձերը, ինչպես նաև Թել-էլ-Ամարնայի, Թաու-Շամրայի և այլ հուշարձանների հինարևելյան օրինակները:

Հայտնի առարկաներից են մանյակները (գույք 759/41), որոնք տարածված էին ինչպես Անդրկովկասի, Հյուսիսային Կովկասի, առաջավորասիական երկրների, Արևելյան Եվրոպայի մ. թ. ա. I հազարամյակի կեսի կոմպլեքսներում, այնպես էլ ավելի վաղ հուշարձաններում: Այս խմբի վերջին օրինակն է ծարիրե քառանկյուն կախիքը (գույք N՝ չկա)՝ ամրացնելու հասարակ կոլտյոյգ անցքերով:

Շամլուղ. Դյուղը գտնվում է Ալավերդի երկաթուղային կայարանից 8 կմ հեռավորության վրա: Այստեղ գտնված վաղ առարկաներից պետք է նշել երկու վաղ բրոնզեզարյան գորշ զարնաժուռ գույնի բնորոշ կավանդները, որոնցից մեկը անզարդ է (գույք 2073): Կավանդը ունի քիչ նեղացող վիզ, ուռուցիկ իրան, նեղ հատակ և բնորոշ կիսագնդաձև կանթ (աղ. 1, նկ. 9): Երկրորդ կավանդը (գույք 2074, աղ. 1, նկ. 8) ունի ուղղահայաց խողովակաձև վիզ, ձգված ուռուցիկ իրան և աղեղնաձև դուրս ճկված կանթ: Զարդամոտիվներն են՝ զալարազարդերը, տեղադրված երկու զուգահեռ հորիզոնական գծերի միջև, որից ներքև իրանի վրա արված է չորս գծերից բաղկացած զիզազ, ծայրերը զարդարված պարույրներով, իսկ միջի տարածությունը՝ ուժեղաձև նախշով: Վերոհիշյալ առարկաները շատ բնորոշ են ինչպես Անդրկովկասի, այնպես էլ Հյուսիսային Կովկասի, Առաջավոր Ասիայի համապատասխան հուշարձանների համար և թվագրվում են մ. թ. ա. III հազարամյակի երկրորդ կեսով: Պատահական գտնված այլ առարկաներից են՝ կտրվածքում կլոր բրոնզե ասեղը (գույք 1341)՝ ստացված Ա. Գասպարյանից 1936 թ.:

քառակույ կտրվածքով բրոնզե ասեղը (գույք 1342), կոտրված ծայրով երկաթե դանակը (գույք 1343), ասարակ, կլոր կտրվածքով բրոնզե ապարանջանները (գույք 1344 ա, բ), անդարդ, սև փայլով կճուճը (գույք 1345), դավա-

մեկ կանխանի, բարձր վզիկով կճուճ և սև կճուճիկ (գույք 1234—1235), նշված վայրում են հայտնաբերվել նաև հինգ բրոնզե կլոր ապարանջանները (գույք 1300 ա, Ե, ժ, Շ), որոնցից մեկը միացված ծայրերով է (գույք 1300 Շ)։



ԱՂՅՈՒՍԱԿ 1

թը (գույք 1346), սև փայլով մեծ քրե-
ղանը (գույք 1347)։ Երկու կավաման էլ
հայտնի են Կ. Ղաֆաղարյանի պեղումներից՝ սև,

Սրանք լայնորեն տարածված են Անդրկովկասի
տեղիտորիայի դամբարանային կոմպլեքսներում։
Այստեղից են ծագում նաև երկու մեծ, ուղորած

բրոնզե մանյակները (գույք 1299 ա, բ), որոնք բնորոշ են ինչպես մ. թ. ա. I հազարամյակի առաջին կեսի դամբարանային կոմպլեքսներին, այնպես էլ համեմատաբար վաղ շրջանին:

Լուրսու. մ. թ. ա. III հազարամյակի նյութական մշակույթի առարկաներ հայտնաբերվեցին 1969 թ. հուլիսին, շինարարական աշխատանքների ժամանակ կաթի զործարանի մոտ պատահական բացված դամբարաններից (Ա. Քալանթարյանի հավաքածու): Այս նյութը առավել արժեքավոր է նրանով, որ կրում է վաղ բրոնզեդարյան բրուտագործական արտադրանքին բնորոշ դարդամետիվներ, որոնք մինչ այդ տվյալ շրջանում հայտնի էին եղակի օրինակներով: Բոլոր բեկորներն էլ արտաքուստ ունեն սև բնորոշ փայլ և վարդագույն կամ բաց դույնի աստառ: Հիմնական ձևերից պետք է նշել լայն բերանով փոքր կճուճները, քիչ դուրս ծավալած ու կլորացրած շրթով, որոնք զարդարված են մեծ ու փոքր կորնթարդ-զոդավոր պարույրներով և ակոսավոր զծերով, խորադիր ումրաձև նախշերով, եզրակավորված շրջանակներով և զիզազ կազմող կարճ զծիկներով (աղ. 1, նկ. 1, 2, 3, 4): Հաջորդ ձևն է կոնաձև փոքրածավալ կավաձեղն, որի ներքին մասը զարդարված է կետերով լցված խորադիր եռանկյունիներով (աղ. 1, նկ. 5): Անզարդ կավամաններից է լայնաբերան կճուճի կեսը, բնորոշ երկարավուն կանթով (աղ. 1, նկ. 7): Վերջին ձևն է պուլիկաձև, զորը գույնի, համեմատաբար կուպիտ անոթը (աղ. 1, նկ. 6): Բոլոր վերոհիշյալ առարկաները իրենց գուգահեռներն ունեն ինչպես Հայկական լեռնաշխարհի (Շենգավիթ, Շրեշ-բլուր, Մոխրաբլուր, էլար, Թագավորանիստ, Լնաշեն, Հառիճ, Արևիկ, Գյոյ-թևփե և այլն), այնպես էլ Վրաստանի (Բեշտաշենի, Ամիրանիս-Գորա), Ադրբեջանի (Նախիջևանի Քյուլ-թափա, Աղստաֆա-շայ), Հյուսիսային Կովկասի (Լուզովոյե բնակավայր)²⁴ հուշարձաններում և հիմնականում թվագրվում են մ. թ. ա. III հազարամյակի երկրորդ կեսով:

Չուգաղիս. 1933 թ. շինարարական աշխատանքների ժամանակ պատահական հայտնաբերվեց վաղ տիպի հետաքրքիր կոմպլեքս, որը

առաջին անգամ է հրատարակվում: Նշված կոմպլեքսը բաղկացած է երեք միջին չափսի սև փայլեցրած կճուճներից, վրի ներսում վարդագույն աստառով (գույք 380, 381, 382, աղ. 1, նկ. 10): Այս իրերը իրենց մորֆոլոգիական առանձնահատկություններով (նեղ վիզ, դուրս ծավալած շուրթ, կլոր ուռուցիկ իրան, տափակ հատակ) լրիվ համընկնում են միջին բրոնզեդարյան գունազարդ բրուտագործական արտադրանքի հետ: Հաջորդ խումբը բաղկացած է երեք սև փայլեցրած, կտրված շրթով խորը քրեղաններից (աղ. 1, նկ. 11), որոնք ունեն ղեպի տափակ հատակը իջնող ուղիղ պատեր և արտաքուստ ու պատրաստման տեխնիկայով նույնպես հիշեցնում են վաղ արտադրանքի նմուշները (գույք 383, 384, 385): Վերը շարադրածը թույլ է տալիս կոմպլեքսը թվագրել մ. թ. ա. II հազարամյակի առաջին քառորդով: Նշված վայրից է ծագում նաև սուսերը (գույք 483), որը ունի վառ կանաչ աղնիվ բրոնզափառ, նեղ երկար շեղք (երկ.՝ 93 սմ, լայն.՝ վերին մասում՝ 6 սմ), թեք ուսեր և ցայտուն արտահայտված միջին կող: Նշված սուսերի օրինակները հայտնի են Սամթավրոյի № 243 դամբարանից, որոնք Տ. Ն. Չուբինիշվիլին թվագրում է մ. թ. ա. XVIII—XVI դդ.²⁵: Բ. Ա. Կուֆտինը այս իրերը թվագրում է մ. թ. ա. XV—XIV դդ., որը ավելի հավանական է թվում, քանի որ Կրետե-Միկենյան աշխարհում (արտադրանքի հայրենիքը) նրանք հանդիպում են երրորդ միջին միևնույն ժամանակաշրջանի կեսերին:

Ղաչաղան. Վերոհիշյալի նման, բայց տարբերվող չափսերով սուսեր (երկ.՝ 90 սմ, շերտի լայն վերին մասում՝ 6 սմ) գտնվել է կողոպտված դամբարանաբլուրի հատակին (գույք 1892/1): Սուսերը միկենյան տիպի է, ունի խաչաձև կտրվածք և կարճ ծավալած դաստակ: Ժամանակագրականորեն համապատասխանում է Չորագէսի սուսերին:

Փամբակ. Այստեղից հայտնի է տերևաձև, փոքր լայնվածքային սոնակով տեղի ծայրը (գույք 478, երկ.՝ 21,5 սմ, կոթի երկ.՝ 13,5, լայն.՝ 2,5 սմ): Սրանց գոյությունը ընդգրկում է մ. թ. ա. I հազարամյակի սկզբից մինչև մ. թ. ա. VI դ.: Հայտնի են Հայաստանի շատ շրջաններից (Դիլիջան, Գոլովինո և այլն): Այլ մետաղյա առարկաներից կան կտրվածքում կլոր ապարանջաններ՝ միացրած կամ անջատ ծայրերով (գույք 478, 498, 1000) և փոքր ապակյա ամրոցական մեկ ապարանջան (գույք 480):

²⁴ Է. Վ. Խանգադյան, Հայկական լեռնաշխարհի մշակույթը մ. թ. ա. III հազ., Երևան, 1967; Б. А. К у ф т и н, Археологические раскопки в Тriaлетии, I, Тбилиси, 1941; Т. Н. Ч у б и н и ш в и л и, Амيرانис-Гора, Тбилиси, 1963; О. А. А б и б у л а с а, Археологические раскопки в Кюльтепе, Баку, 1959; Р. М. М у н ч а е в, Древнейшая культура Северо-Восточного Кавказа, «Материалы и исследования по археологии СССР» (МИА), 100.

²⁵ Т. Н. Ч у б и н и ш в и л и, К истории культуры раннего этапа позднебронзовой эпохи в Шиди-Картли (автореферат диссертации), էջ 12—16.

Լոռի-Ղարաբաղում. Այսպիսի անվան տակ է նշված բրոնզե տափակ տերևաձև նետասլաքի ծայրը՝ ելուստավոր բեղիկներով և քառակող կոթով (զույգ 479, աղ. 1, նկ. 12)։ Նկարագրված զենքը բնորոշ է Հայաստանի և հարևան երկրների համար և թվագրվում է զարգացած բրոնզե դարի ժամանակաշրջանով ու մ. թ. ա. I հազարամյակի առաջին երեք դարերով։ Բրոնզե ապարանջանները ներկայացված են լայնաթիթեղ, ծայրերը կտրված ապարանջանով (զույգ 479) և կտրվածքում կլոր, հարթ ապարանջանի բեկորով (զույգ 479)։

Հաղրատ. Մեծ հետաքրքրություն է ներկայացնում 1936 թ. շինարարական աշխատանքների ժամանակ պատահական բացված դամբարանի նյութը՝ բրոնզե, միացված ծայրերով սեղմնետաձև երկու ապարանջաններ (զույգ 481, 1310), մանյակի բեկոր (զույգ 1311) և հարուստ պատկերավորումներով պատած լայն բրոնզե զոտիների բեկորներ (զույգ 1309)։ Գոտու կենտրոնական մասում պատկերված են ոճավորված եղջերուներ, տեղադրված երեք հորիզոնական շարքով։ Հաղբատի երկրորդ զոտին զարդարված է համիմատաբար քիչ ոճավորված եղջերուների ֆիգուրներով, որոնք տեղադրված են երկրաչափական նախշերից ազատ տարածությունների վրա։ Պետք է նշել, որ վերոհիշյալ զոտիները, որոշ տարրերով միմյանք, բնորոշ են Անդրկովկասի համար և մեծ հետաքրքրություն են ներկայացնում բրոնզե մետաղադործության տեղական օջախների միջև եղած փոխհարաբերության տեսակետից։ Թվագրվում են մ. թ. ա. I հազարամյակի առաջին քառորդով։

Ունևանի. Այստեղ, անշուշտ, 12 կավանոթների, 4 ապարանջանների, մատանիների, ասեղի և այլ առարկաների հետ միասին պետք է նշվի քարարկային դամբարանում գտնված բրոնզե լայն զոտին (զույգ 1787), որը զարդարված է կենդանակերպ և երկրաչափական նախշերով։ Ծայրերում արված ուղղանկյուններում պատկերված են երկու զույգ ձիեր, կենտրոնականում՝ բացի ձիերից կան նաև լուսնաձև եղջերուներով կենդանիներ, որոնք բնորոշ են հույ-չալի-Գետաբեկի զոտիների համար։ Զիերի ֆիգուրների վերևում և կենդանու կրծքի մոտ տեղավորված են շրջանակներ, նետեր և թուղենի ֆիգուր։ Զիերն ունեն նաև հորիզոնական ձողերի տեսքի լուծ. որոնք զուգահեռներ ունեն Ախթալայի հայտնի զոտիների վրա պատկերված մարտականորեն²⁶, Սևանի զոտիում²⁷ և այլն։ Այս-

տեղ գտնված առարկաներից պետք է նշել պաշտամունքային կճուճը (զույգ 1711)՝ զարդարված վերադիր նախշով. սրանք ուշ բրոնզի և երկաթի դարի սկզբնական շրջանի համար (մ. թ. ա. X—XI) բնորոշ խումբ են կազմում։ Կճուճը սև է, ուռուցիկ իրանով, շուրթը՝ զարդարված խորագիր երկշարք եղենաձև նախշով։ Նման նախշով են պատած լայն կամարաձև կանթերը՝ դրված անոթի վերին մասում։ Նույն ուղղությամբ վրա կանթերի և օձերի միջև տեղադրված են բաց բերաններով վաղերի և շուրջ օձերի ֆիգուրներ²⁸, 1946 թ. Մ. Մ. Գերասիմովը այստեղ պեղեց երկու դամբարան, որոնք պարունակում էին հիմնականում մ. թ. ա. I հազարամյակի առաջին քառորդին վերաբերող բնորոշ նյութեր։ Խեցեղենը ներկայացված է սև փայլեցրած կճուճներով։ Կանթերը մեծ են և վերին մասում ունեն երկկողմանի վերադիր զնդիկներ, որոնք նմանակում են մետաղյա կանթերը (Ունևան, էջմիածին, աղ. 2, նկ. 2)։ Կան նաև բիկոնիկ անդարդ ձևի կճուճներ և անոթներ՝ կարճ վզով ու վերին մասում տափակ ելուստով (զույգ 2072/21, դամբ. 2, 2072/15, 18, դամբ. 1)։ Քրեղանները սև փայլեցրած են, ունեն ուղիղ իրանի և շրթի կտրուկ զծագրություն, ինչպես նաև կան իրանի սահուն ձևեր ունեցող քրեղաններ (զույգ 2072/16, 17, 19, դամբ. 1, աղ. 2, նկ. 1)։ Պետք է նշել, որ այս խեցեղործական արտադրանքի որոշ տարրերը կապվում են համեմատաբար վաղ կոմպլեքսների հետ (բիկոնիկ իրանով կավանոթները)։ Ա՝ 1 դամբարանը պարունակում էր նաև շնչին քանակությամբ մետաղյա իրեր՝ հասարակ, հարթ, կտրվածքում կլոր, անջատված ծայրերով ապարանջաններ (զույգ 2072/11, 13) և մեծ միաձույլ բրոնզե ասեղ (զույգ 2072/14, երկ.՝ 12 սմ), որը լայնորեն տարածված էր բրոնզի դարի վերջի և երկաթի դարի սկզբնական շրջանի Անդրկովկասի դամբարանային կոմպլեքսներում։ Հետաքրքիր են նույն դամբարանի ուլունքները, որոնք հանդիպում են ինչպես ուշ (մ. թ. ա. I հազարամյակի սկիզբ), այնպես էլ համեմատաբար վաղ կոմպլեքսներում։ Դրանք են՝ երկնադույն և սպիտակ շաղախից ուլունքները (զույգ 2072/1), ինչպես նաև մեկ և երկկողմանի շաղախված սերդուլիկ ուլունքները (զույգ 2072/3, 6, 8, 9)։ Պատահական բացված դամբարանից է ծագում մեկ կանթանի, զորը փայլեցրած կճուճը, կտրված շրթով, զարդարված հորիզոնական խորագիր զծերով, որի հիմքից շարունակվում են փայլով ար-


²⁶ J. de Morgan, նշվ. աշխ., նկ. 145.

²⁷ Ե. Ա. Լալայան, Դամբարանների պեղումները Խորհրդային Հայաստանում, Երևան, 1931, էջ 105.

²⁸ Տե՛ս Հ. Մնացականյան, Արևապաշտության հետքերը Հայաստանում, պետ. պատմ. թանգարանի «Աշխատություններ», Երևան, 1948, հատ. 1, էջ 74—76.

ված լայն ուղղահայաց ժապավեններ (դույթ 2072/20, աղ. 2, նկ. 3): Նշված վերջին զարդը հանդիսանում է ուշ բրոնզեդարյան բրուտագործության արտադրանքի փայլով արված հոյակապ զարդամոտիվների հետագա զարգացում (Թազաքենդ, Լճաշեն, Արթիկ և այլն): Բացի վերոհիշյալից Գ. Լեոնյանը պետ. պատմական թան-

կոնակաձև զարդեր (դույթ 107), սև փայլեցրած լայնարերան դավաթը՝ նույնանման կանթերով (դույթ 107), լավ փայլով, շրթի և իրանի սահուն զծերով և նստուկով սև քրեղանը (դույթ 211): Պատահական զտնված մետաղյա առարկաներն են բրոնզե զանգվածեղ (դույթ 134ա, բ), հասարակ լարից (դույթ 135), լայն ապա-



ԱՂՅՈՒՍԱԿ 2

զարան է հանձնել մի շարք պատահական հայտնաբերված առարկաներ, որոնք հիմնականում ընդգրկում են մ. թ. ա. I հազարամյակի առաջին քառորդը: Դրանք են՝ բնորոշ սև փայլեցրած, նեղ վզով և ուռուցիկ իրանով կնուձները, որոնց կանթի վրա վերին մասում կան վերադիր

րանջաններ՝ երկշարք խորագիր զիզղադով (դույթ 142), բրոնզե հարթ մանյակը (դույթ 137), փոքր բուռքային օղակներով (դույթ 138), փոքր տափակ բրոնզե զործիքը, վերին մասում նեղացող (դույթ 140), որը ծառայում էր, ըստ երևույթին, քերելու համար: Վերահիշյալ նյութը

լայն տարածում ունենում է. մ. թ. ա. I հազարամյակի առաջին կեսի Անդրկովկասի դամբարանային կոմպլեքսներում:

ՆԱՄԱՆԱ. 1969 թ. հուլիսին կիկլոպյան ամբողջի ստորոտում Ա. Քալանթարյանը գետնի մակերեսից հավաքեց սև փայլեցրած խեցեղենի բեկորներ: Դրանք են՝ քրեղաններ՝ պրոֆիլային իրանով, զարդարված խորագիր և փայլեցված ալիքաձև զծերով, ինչպես նաև մեկ բեկոր՝ փայլով արված ցանցաձև նախշով, որոնք բնորոշ են ուշ բրոնզի դարի և երկաթի վաղ շրջանի համար (մ. թ. ա. II հազարամյակի վերջ, I հազարամյակի առաջին բաժնի) և լայն տարածում ունեն Անդրկովկասի դամբարանային նյութերում (Գուլիստ, Խրտանոց, Դիլիջան և այլն):

ՄԱՐԳ. Այստեղից է գտնվել կոպիտ, մեկ կանխանի սև կճուճը, նեղ վզով և ուռուցիկ իրանով: Թվագրվում է մ. թ. ա. IX—VIII դդ.:

ԻՆԵՂ. Այստեղ ճաշարանի հիմքը փորելիս բացվեցին ավելի բան 10 բարակղային տիպի դամբարաններ, որոնց պատերը շարված էին ծակոտկեն բազալտից: 1965 թ. մայիսին մեր կողմից ուսումնասիրություններ կատարվեցին նշված վայրում: Մեր ժամանելու պահին պարզվեց, որ տեղի բնակիչները բոլոր առարկաները վերցրել էին: Այդ իսկ պատճառով հնարավոր չէ վերլուծել նյութը ըստ կոմպլեքսների: Հաջողվեց հավաքել 11 զանազան կավանոթներ: Դրանք են սև փայլեցրած, նեղ վզով և լայնաբերան անկանթ կճուճները, որոնք ուսերի վրա կրում են խորագիր հորիզոնական զուգահեռ զծեր և եղունգային զարդ, կտրված շրթով, ուղիղ իրանով սև փայլեցրած կճուճը, որը շրթի վրա երկու կողմից երկու զույգ անցքեր ունի՝ կախելու համար: Զարգամոտիվները սուր ծայրերով միացված խորագիր եռանկյունիներ են, տեղադրված անոթի վերին մասում (աղ. 2, նկ. 7): Հաջորդ խումբը սև փայլեցրած մեկ կանխանի կճուճներն են՝ նեղ վզով, դուրս ծաված շրթով, ուռուցիկ իրանով, որը զարդարված է փայլեցմամբ արված նեղ ու լայն ուղղահայաց ծալվածներով և եռանկյունիներով (աղ. 2, նկ. 4, 5, 6): Նշված զարդերը հանդիսանում են համեմատաբար վաղ շրջանի (XIV—XII դդ. մ. թ. ա., Թազաբենդ, Լճաշեն, Արթիկ) փայլուն օրինակների հետագա զարգացումը և թվագրվում են մ. թ. ա. X—IX դդ.: Այս նյութը նշված ժամանակաշրջանով է թվագրում նաև Գ. Արեշյանը: Վերջին տարիների բնագրում Իջևանի շրջանի Գնոբավան գյուղի մոտ, Աստղիբուր կոչվող վայրում պեղված դամբարաններից հայտնարեկվել են ման խեցեղեն⁹: Եզակի օրինակով է ներկայացված սև

փայլով, ուղիղ իրանով, մեկ կանխանի զավաթը, որը կտրված շրթի տակ ունի խորագիր հորիզոնական զծեր (աղ. 2, նկ. 9): Վերջին խումբն են կավմում սև փայլեցրած խորը քրեղանները՝ ցայտուն արտափայլած շրթով, կլորացրած իրանով, որոնցից մեկը շրթի տակ ունի մի քանի լայն խորագիր հորիզոնական զծեր (աղ. 2, նկ. 8): Դամբարաններից են ծագում նաև մեկ և երկկողմանի փորված անցքով 9 սերդուիկե ուլունքները: Բոլոր վերոհիշյալ առարկաները բազմաթիվ զուգահեռներ ունեն Անդրկովկասի մ. թ. ա. I հազարամյակի առաջին կեսի դամբարանային կոմպլեքսներում: 1969 թ. հուլիսին Դսեղում, իողային աշխատանքների ժամանակ, պատահաբար բացվեց մի դամբարան, որի նյութը ներկայացված է զանազան կավանոթներով (Ա. Քալանթարյանի հավաքածուն): Դրանք են՝ անկանթ, ցածր վզով, ցայտուն շրթով և ուռուցիկ իրանով սև կճուճը, որի վերին մասը զարդարում են ալիքավոր և ուղիղ խորագիր զծերը (աղ. 2, նկ. 10): Լայնաբերան, ուռուցիկ իրանով, ուսերի վրա մի շարք եղունգային զսրդով սև կճուճը, մեկ կանթով, կարճ վզով, ուռուցիկ իրանով, ուսերի վրա երկու հորիզոնական զծերով, սև փայլով կճուճը, սև լավ փայլեցրած զավաթը՝ պրոֆիլային, բիկոնիկ ձևի իրանով, կանթը վերին մասում ունի սրացած ելուստ (աղ. 2, նկ. 11): Քրեղանները երեքն են, սև փայլով: Վերոհիշյալ արտադրանքը տիպիկ է մ. թ. ա. I հազարամյակի առաջին բաժնի համար և լավ կապվում է Հայաստանի, Վրաստանի և Ադրբեջանի համապատասխան ժամանակաշրջանի դամբարանային նյութի հետ³⁰: 1960 թ. մայիսին, իողային աշխատանքների ժամանակ, պատահաբար հայտնարեկվեց սև փայլեցրած կճուճ՝ իրանի վրա փայլեցմամբ արված թեք զծիկներով (զույգ 2039ա, աղ. 2, նկ. 12): Այս կավամանը իր արտաքին առանձնահատկություններով և զարգամոտիվներով համընկնում է այն բնորոշ արտադրանքի հետ, որը լայն տարածում ստացավ ուշ բրոնզեդարյան ժամանակաշրջանում (մ. թ. ա. XIV—XII դդ.) և զուգահեռներ ունի այնպիսի հուշարձաններում, ինչպիսիք են Թազա-

րական հանդես», 1967, № 1, էջ 221—226:

30 1969 թ. Դսեղում բացված լոռի ազգադրական թանգարանում ցուցադրվում է նաև շրջակայքում հայտնաբերված հնագիտական նյութը, որը հիմնականում պատկանում է մ. թ. ա. I հազարամյակին: Նույն թվականի ամռանը իողային աշխատանքների ժամանակ բացվել են դամբարաններ՝ մ. թ. ա. I հազարամյակի առաջին կեսին պատկանող բնորոշ նյութով:

29 С. Е с а я н, Погребение № 14 Астхидурского могильника, «Պատմա-բանասիր-

քենդը, լճաշենը, Արթիկը, Գեղարոտը, Նուա-
կերտը³¹ և այլն:

Օձուն, 1955 թ., հողային աշխատանքների
ժամանակ, տեղի բնակիչ Կ. Վ. Երիցյանի տան
բակում բացվեցին դամբարաններ, որոնք պա-
րունակում էին մ. թ. ա. 11 հազարամյակի վեր-
ջին, մ. թ. ա. 1 հազարամյակի առաջին քառոր-
դին բնորոշ նյութեր:

Դամբարան 1. Երեք սև փարչ, մեկ գավ,
մեկ պուլիկ, 13 բրոնզե ապարանջաններ, բրոն-
զե օղակ՝ խորագիր գծիկներով, երեք բրոնզե
ճարմանդներ, ապակյա և շաղախից ուլունքներ:
Այստեղ հետաքրքիր են ճարմանդները, որոնք
հայտնի են լճաշենի, Արթիկի և Դիլիջանի պե-
ղումներից:

Դամբարան 2. Սև, անկանթ կճուճ, սև,
լայնաբերան քրեզան:

Դամբարան 3. 2 սև գավաթ:

Դամբարան 4. Մեկ սև պնակ (գույք 1945):

1958 թ. Օձունի բնակիչ, կուլտուրասական
Դավիթ Հովհաննիսյանը իր բակում հիմք փորե-
լիս պատահաբար հայտնաբերում է երկու դամ-
բարան, որոնց նյութը հիմնականում պատկա-
նում է մ. թ. ա. 1 հազարամյակի առաջին կեսին
և հայտնի է Անդրկովկասի բազմաթիվ հուշար-
ձաններից: 1967 թ. ամռանը պետ. պատմական
թանգարանին տեղյակ պահեցին այն մասին, որ
գյուղի դպրոցի մոտ կարելի անցկացնելիս հայտ-
նաբերվել են հնագիտական իրեր: Այստեղ դեռևս
1938 թ., դպրոցի շենքի շինարարության ժամա-
նակ, գտնվել էին ոսկե և արծաթե իրեր ու բրոն-
զե դաշույն, որոնք ներկայացնում են Անդրկով-
կասի բնակչության բարձր մշակույթը և պատ-
կանում են նյութական մշակույթի այնպիսի
հայտնի նմուշների թվին, ինչպիսիք են Սալկայի
նյութերը³²: Տողերիս հեղինակը գործուղվեց նըշ-
ված վայրը, որտեղ արդեն կողոսկրված քարա-
կրդային տիպի դամբարաններից հաջողվեց հա-
վաքել որոշ հնագիտական նյութ՝ հիմնականում
մ. թ. ա. 1 հազարամյակի առաջին քառորդի:
Դրանք են՝ երկու սև փայլեցրած մեկ կանթանի
կճուճները, որոնցից մեկը իրանի վրա ունի
ցանցաձև զարդ՝ կազմված թույլ խորագիր գծե-
րից (աղ. 2, նկ. 13). Երեք սև փայլեցրած դա-
վաթները (աղ. 2, նկ. 14), բնորոշ է նաև մեծ,
սև, անկանթ կճուճը, ցածր վզով և կլոր ուռու-

ցիկ իրանով, զարդարված փայլեցմամբ արված
թեք դծիկների շարքով. հզակի օրինակով է ներ-
կայացված կարմիր փայլեցրած կճուճը, բիկո-
նիկ իրանով (աղ. 2, նկ. 16). քրեզանները եր-
կուսն են, սև փայլով և նույնպես սովորական
են Անդրկովկասի նշված ժամանակաշրջանի
նյութերի համար (աղ. 2, նկ. 17):

Մարեռ. Այստեղից է գտնված պատահաբար
հայտնաբերված, համեմատաբար ուշ ժամանա-
կաշրջանին պատկանող կարմիր փայլեցրած մեկ
կանթանի կճուճը՝ ցայտուն արտահայտված ե-
րեքնուկի (օյնոխոյա) տիպի պսակով: Շուրթը
երկու կողմից ունի վերագիր ճարմանդաձև
զարդ: Հատակը բնորոշ լայն է (աղ. 2, նկ. 18):
Երեքնուկի նման պսակով անոթներ հայտնի են
մի շարք երկրներից: Կարելի է ասել, որ դա ա-
մենատարածված և երկար պահպանված ձևերից
է եղել: Հայաստանում այն հայտնի է դեռևս ու-
րարտական շրջանից և հարատևում է մինչև ուշ
միջնադար: Նշված արտադրանքը տարածված է
եղել նաև Վրաստանում³³ և Ադրբեջանում³⁴,
Պետ. պատմական թանգարանում պահվում է
նման մի անոթ Մուլինարից³⁵, որը կանթի և
պսակի ձևով ու մշակմամբ նման է Մաթերի
նմուշին, մեծ քանակությամբ հանդիպում է Ար-
մավիրի հելլենիստական դոնապարդ խեցեղենի
մեջ և թույլ է տալիս այն թվագրելու մ. թ. ա.
111—1 դդ.:

Այսպիսով, վերոհիշյալ հուշարձանների ու-
սումնասիրումը ցույց է տալիս, որ Թումանյանի
շրջանը հարուստ է տարբեր ժամանակաշրջան-
ներն ընդգրկող նյութական մշակույթի մնացորդ-
ներով և բավական արժեքավոր տվյալներ է
տալիս թե՛ տեղական մշակույթի պղնձ-բրոն-
զեդարյան և վաղ երկաթի դարի բնորոշման և
թե՛ այնպիսի պրոբլեմների լուծման համար,
ինչպիսիք են Անդրկովկասի և հարևան երկրնե-
րի հետ տեղական մշակույթի փոխհարաբերու-
թյունների հարցերը: Թումանյանի շրջանը, ան-
շուշտ, հատուկ տեղ է գրավում հնագիտական
վայրերի շարքում այն պատճառով, որ այստեղ
գոյություն ունի այնպիսի կարևոր դործոն, ինչ-
պիսին է պղնձի հանքի առկայությունը: Համե-
մատաբար հեռավոր վայրերում (գյուղ Պիեղ-
նաուրի, Դմանիսիի շրջան) հայտնաբերված հին-

31 Լ. Լ. Կարապետյան, Բրոնզի դա-
րի և վաղ երկաթի նոր հուշարձան Հրազդան
գետի ավազանում, «Պատմա-բանասիրական
հանդես», 1969, № 4, էջ 280, աղ. 1, նկ. 4, 5:

32 «Новое в советской археологии»
(сборник, посвященный памяти С. В. Ки-
селева), М., 1965, էջ 26:

33 Б. А. Куфтин, նշվ., աշխ., աղ. 15:

34 О. Ш. Исмизاده, Ялойлутепин-
ская культура. Баку, 1956, աղ. 14, 78, 128,
141, 151, 2, 8, 162, 314:

35 Տե՛ս Ժ. Խաչատրյան, Հայաստան-
ում գտնված դոնապարդ խեցեղենի մի քանի
նմուշներ, «Պատմա-բանասիրական հանդես»,
1966, № 1, էջ 255, աղ. 13:

արևելյան տիպի կողմը կացինը, որը մեղ մոտ, ինչպես և այլ վայրերում, փոքր խումբ է կազմում, հանգեցնում է այն մտքին, որ ուսումնասիրվող շրջանը կարող էր լինել որոշակի մետաղյա առարկաների մատակարարման արտա-

դրական կենտրոն: Բերված նյութը, անկասկած, վկայում է այն մասին, որ Թումանյանի հնագիտական շրջանը մեծ նշանակություն ունի Հայաստանի մ. թ. ա. III—I հազարամյակների մշակույթը ուսումնասիրելու համար:

Լ. ԿԱՐԱՊԵՏՅԱՆ

ИССЛЕДОВАНИЕ НЕКОТОРЫХ ОЛОВЯННЫХ ПРЕДМЕТОВ, НАЙДЕННЫХ В АРМЕНИИ*

Использование олова человеком в древности представляет один из невыясненных вопросов истории материальной культуры древнего мира и, в частности, стран Ближнего Востока и Кавказа. Им в основном пользовались для легирования меди, т. е. для приготовления оловянистой бронзы. Не случайно поэтому, что находки предметов из олова единичны, в то время как металлических изделий из оловянистой бронзы обнаруживается достаточно много.

Вопрос о последовательности в открытии олова и бронзы также представляется не совсем ясным. Факты как будто говорят за то, что человек познакомился с оловом позже, чем с бронзой. Во всяком случае находки оловянно-бронзовых изделий относятся к памятникам более раннего периода, в то время как изделия из олова датируются хронологически поздним временем. До настоящего времени исключение составляет единственный «оловянный браслет», найденный в городище «Терми IV» на о-ве Лесбос¹.

Конечно, прежде чем научиться готовить оловянистую бронзу, человек должен был сначала познать олово в качестве металла. Его ограниченное использование в быту можно объяснить пластическими свойствами, почему в древности оно шло на изготовление различных предметов украшений, как, например, колец, височных подвесок, браслетов, пуговиц и т. п.

Исследователи отмечают, что во II

тысячелетии до н. э. (1400—1050) в Ассирии олово в виде колец использовалось в качестве денежной единицы². О находках на Кавказе древних оловянных изделий в литературе имеются весьма скудные сведения; касаются они Азербайджана³ и Грузии⁴. Залежи олова имелись в Иране⁵.

Относительно территории Армянской ССР в литературе обычно указываются лишь два «оловянных» предмета, датируемых II—I тысячелетием до н. э.⁶ Первое—это подвеска, найденная в с. Ворнак (ныне Акнер) Алавердского района (исследована лабораторией ГАИМК в Ленинграде); второе—обломки привесок из раскопок Ж. де Моргана (исследованы французским химиком-естествоиспытателем Марселем Бертело).

Оба они изготовлены из сплава олова со свинцом, но во втором случае содержание свинца (85, 53%) превалирует над оловом (6—35%), так что правильнее было бы эти обломки привесок определять как свинцо-

² См. S. Smith, Early History of Assyria to B. C. 1928, стр. 143—185, 323. Ա. Խաչատրյան, Հայաստանի-սեպագիր շրջանի բնական պատմություն, Թբլուս, 1933, стр. 299—300.

³ См. М. А. Кашкай, И. Р. Селиханов, Исследование металлических изделий древнего Мингечаура эпохи развитой бронзы, Баку, 1959, стр. 11—13.

⁴ См. Ф. Тавадзе, Т. Сакваралидзе, Бронзы древней Грузии, Тбилиси, 1958, стр. 52—54.

⁵ См. Մ ր ր ր ր ր, գիրք XV, գլ. II, § 19.

⁶ Они упоминаются также А. А. Несенем (см. «Олово Кавказа», Изв. ГАИМК, вып. 110, М.—Л., 1935, стр. 193—205).

* Работа выполнена в рамках сотрудничества Гос. музея истории Армении и Института истории АН Азерб. ССР.

¹ См. W. Lab, Excavations of thermi in Lesbos, Cambridge, 1936, стр. 171—173.